
Saksnr: 2020/78745-51
Saksbehandlar: Eva Margaretha Ørmen
 Vinjevoll

Saksgang

Utval	Utv.saksnr.	Møtedato
Trafikktryggingutvalet		04.10.2021

Tilskot til trafikktryggingaktivitetar - Haust 2021

Forslag til vedtak

FTU fordeler tilskot til trafikktryggleiksaktivitetar slik tabellen viser

Namn på søkar	Namn på arrangement	Kommune	Søker	Totalkostnad	Tilskot
MA avdeling Sogn og Fjordane	Utdeling av refleksvestar til alle 5.klassingar i Sogn og Fjordane	Alle i S og F	kr 43 000	kr 43 000	kr 43 000
Stryn VGS	Trafikktryggingdag ved Stryn VGS	Stryn	kr 67 600	kr 73 500	kr 67 600
Skulestad skule	Sykkelkids ved Skulestad skule	Voss	kr 12 500	kr 12 500	kr 12 500
Stryn kommune - Loen barnehage	Tut og køyr forsiktig	Stryn	kr 8 496	kr 8 496	kr 8 496
Stardalen barnehage	Bli synlege i trafikken	Sunnfjord	kr 4 000	kr 4 000	kr 4 000
Breim barnehage	Synleg på tur	Gloppen	kr 10 000	kr 10 000	kr 10 000
Stad kommune	Alle barnevogner synlig i trafikken	Stad	kr 7 350	kr 7 350	kr 7 350
Askøy kommune	Trafikkdag	Askøy	kr 7 500	kr 7 500	kr 7 500
Atløy skule	Trafikktryggingdag	Askvoll	kr 9 000	kr 9 000	kr 9 000
Skorvane vel	Skilting i Skorvane boligfelt	Bjørnafjorden	kr 3 000	kr 3 000	kr -
FAU Nordre Neset barneskule	Aksjon aktiv skuleveg	Bjørnafjorden	kr 9 225	kr 9 225	kr 8 000
FAU Sædalen skole	Refleksvestaksjon 2021	Bergen	kr 6 000	kr 6 000	kr 6 000
Solund barne og ungdomskule	Trafikktryggleik	Solund	kr 25 000	kr 25 000	kr 25 000
Øygarden kommune	Sykkelkids ved Blomvåg skule	Øygarden	kr 7 500	kr 7 500	kr 7 500
Øygarden kommune	Midler til NCF Sykkelskolen - Sykkelkids på Foldnes skole	Øygarden	kr 45 000	kr 45 000	kr 45 000
Askøy kommune	Mobilitetsuke	Askøy	kr 40 000	kr 40 000	kr 30 000
Nygård barnehage AS	Sparebøsser på hjul	Gloppen	kr 108 245	kr 127 660	kr -

FAU Davanger skole	Reflekskampanjen	Askøy	kr 10 000	kr 10 000	kr 10 000
Lysekloster barneskule	Sykkelkids	Bjørnafjorden	kr 15 000	kr 15 000	kr 15 000
Skulemiljøutvalet ved Vassenden skule i Sunnfjord kommune	Hjartesone	Sunnfjord	kr 50 000	kr 50 000	kr 50 000
Alver kommune	Sykkelkids	Alver	kr 15 000	kr 15 000	kr 15 000
Breim barnehage	Synleg på tur	Gloppen	kr 9 000	kr 9 000	kr 9 000
Stryn frivilligsentral	Trygg på sykkel i Stryn kommune	Stryn	kr 40 000	kr 40 000	kr 40 000
Trygg trafikk	#bruksykkellys	Bergen og omeinskomunar	kr 150 000	kr 200 000	kr 150 000
Kvinnherad kommune	Synlege aktive eldre	Kvinnherad	kr 50 000	kr 50 000	kr 40 000
Bjørgum Skule FAU	Sykkelopplæring for 4. og 5. klasse	Voss	kr 15 000	kr 15 000	kr 15 000
Rygg Barnehage SA	Sikker i bil	Gloppen	kr 8 000	kr 8 000	kr 8 000
Næringshagen på Voss AS	Badnaslepp og Smalahoveslepp 2021	Voss	kr 49 000	kr 120 000	kr 49 000
Fjaler kommune	Trafikkopplæring Våge skule	Fjaler	kr 50 000	kr 50 000	kr 50 000
Stord kommune	Trygg på sykkel i Stord	Stord	kr 51 875	kr 52 000	kr 51 875
Vaksdal kommune	Teaterframsyning for barnehageborn med trafikktryggleik som tema	Vaksdal	kr 52 700	kr 52 700	kr 52 000
Vaksdal kommune	Markering av refleksdagen 21.oktober 2021	Vaksdal	kr 47 000	kr 47 000	kr 47 000
Kløvheim bygdelag	Refleksjakten Kløvheim 2021	Alver	kr 40 000	kr 45 000	kr 40 000
Bømlo kommune	Hjartesone og trafikksekringsdag Våge skule	Bømlo	kr 20 000	kr 30 000	kr 20 000
Bømlo kommune	Sjå og bli sett på sykkel	Bømlo	kr 30 000	kr 30 000	kr 30 000
Arbeidsgruppa for FAU Knarvik	Refleksaksjon 2021	Alver	kr 30 000	kr 30 000	kr 8 000
IL Kvernbit	Haldningskampanje knytt til trafikktryggleik	Alver	kr 87 500	kr 100 000	kr 87 500
Ullensvang kommune	Førstehjelp ved trafikkulukker	Ullensvang	kr 35 000	kr 35 000	kr 35 000
Askøy kommune	Trafikkaksjon	Askøy	kr 6 000	kr 6 000	kr 6 000
Vestland fylkeskommune (Måløy VGS)	Skrudag/opent verksted	Kinn	kr 18 000	kr 18 000	kr 18 000
Stiftinga Austrheim barnehage	På tur i trafikken	Gloppen	kr 3 000	3000	kr 3 000
Voss herad	Utdanning av lærarar til å undervise i valfag trafikk	Voss	kr 50 000	kr 97 400	kr -
Total			kr 1 345 491	kr 1 426 431	kr 1 140 321

Samandrag

I Trafikksikringsutvalet i Vestland sitt budsjett var det opprinneleg sett av 2 000 000 kr til tilskotsordninga for trafikktryggleiksaktivitetar. I tillegg vart 850 000 kr omdisponert frå tilskotsordninga til trafikktryggingsplanar. Totalt er det difor sett av 2 850 000 kr til trafikktryggleiksaktivitetar i Vestland.

Tilskotsordninga har to fristar årleg, og etter fyrste runde med tildeling vart det delt ut 1 408 112 kr til 35 ulike arrangement. Det inneber at det står att 1 441 888 kr til denne runda.

Etter andre frist kom det inn 42 søknader på til saman 1 345 491 kr. I avdelingsdirektøren si innstilling er det lagt opp til ei tildeling på 1 140 321 kr til 39 ulike aktivitetar.

Håkon Rasmussen
avdelingsdirektør mobilitet og kollektivtransport

Torill Klinker
seksjonsleiar

Saksframlegget er godkjent elektronisk og har difor inga handskriven underskrift

Saksutgreiing

Bakgrunn for saka

I Trafikksikringsutvalet i Vestland sitt budsjett var det opprinneleg sett av 2 000 000 kr til tilskotsordninga for trafiktryggleiksaktivitetar. I tillegg vart 850 000 kr omdisponert frå tilskotsordninga til trafiktryggingsplanar. Totalt er det difor sett av 2 850 000 kr til trafiktryggleiksaktivitetar i Vestland.

Tilskotsordninga har to fristar årleg, og etter fyrste runde med tildeling vart det delt ut 1 408 112 kr til 35 ulike arrangement. Det inneber at det står att 1 441 888 kr til denne runda.

Etter andre frist kom det inn 42 søknader på til saman 1 345 491 kr. I avdelingsdirektøren si innstilling er det lagt opp til ei tildeling på 1 140 321 kr til 39 ulike aktivitetar.

Kriterium for tilskotsordninga

- Det blir lagt vekt på trafikfagleg kvalitet og kor sentralt førebyggjande trafikksikringsarbeid står i tiltaket.
- Kor breitt tiltaket når ut vert vurdert opp mot storleiken på søknadssum.
- Trafikksikringsaktivitetar i kommunar som inngår i Trafikksikker kommune-arbeidet vert prioritert.
- Frivillige organisasjonar som driv med kontinuerleg og regionalt forankra trafiktryggingsarbeid vert prioritert.
- Tilskotet kan nyttast til kostnader som er direkte knytt til gjennomføring av tiltaket.
- Tilskotet kan ikkje nyttast til kostnader knytt til ordinær drift og administrasjon av søkjar si verksemd.
- Tiltaket kan ikkje vere gjennomført før søknad er sendt.

Dersom totalkostnaden av aktiviteten er meir enn 50 000 kr er det eit krav om eigenandel på minimum 25 % på den delen som overskrider 50 000 kr. Det vil sei at dersom totalkostnaden er på 60 000 kr må ein ha ein eigenandel på minimum 2 500 kr (Reknestykket: $(60\,000\text{ kr} - 50\,000\text{ kr}) * 0,25 = 2\,500\text{ kr}$)

Trafiktryggingsaktivitetane det har blitt søkt om spenner frå sykkelopplæring og refleksutdeling til innkjøp av utstyr for trafikopplæring i skular og barnehagar og teaterframsyningar med trafiktryggleik i fokus. Nokre søkjer om midlar til premiar og utdelingar, og i desse tilfella har avdelingsdirektøren sett det som hensiktsmessig å sette eit tak på kor mykje pengar som brukast på dette, då det ikkje bidreg til å sikre god fagleg kvalitet på aktiviteten. Taket i saksframlegget er sett til 8 000 kr.

Under er ei kort skildring av dei enkelte tiltaka

Utdeling av refleksvestar til alle 5.klassingar i Sogn og Fjordane i regi av MA avdeling Sogn og Fjordane

MA avdeling Sogn og Fjordane skal kjøpe inn refleksvestar til alle 5.klassingar i Sogn og Fjordane og distribuere desse til alle skulane. Dette gjer dei kvart år, og bruker mykje tid på å nå rundt til alle. Dei søker om 43 000 kr til dette, og avdelingsdirektøren innstiller på eit tilskot på 43 000 kr.

Trafiktryggleiksdag ved Stryn VGS

Stryn VGS ønskjer å arrangere ein trafiktryggleiksdag for elevane, med ulike stasjonar og poster der dei får informasjon om trafiktryggleik. Dei skal også simulere ei ulykke, og ha ein quiz for å sjå kva elevane har lært i løpet av dagen. Dei samarbeider også med blålysetatane, Trygg Trafikk og vegvesenet. Helse- og oppvekstfag vil også bidra med opplæring i bruk av hjartestartar og fyrstehjelp. Dagen dei har planlagt har ein totalkostnad på 73 500 kr. Dei søker om 67 600 kr, og avdelingsdirektøren innstiller på eit tilskot på 67 600 kr.

Sykkelkids ved Skulestad skule på Voss

Skulestad skule i Voss kommune søker om midlar til å gjennomføre sykkel- og trafikopplæring for elevar. Arrangementet skal sikre at elevane har tilstrekkelege ferdigheiter til å sykle i trafikken. «Sykkelkids» arrangerast i samarbeid med Norges Cykleforbund, og har blitt gjennomført ved mange skular i Hordaland med stor suksess. Dei søker om 12 500 kr som er eigenandelen for programmet. Avdelingsdirektøren innstiller på eit tilskot på 12 500 kr.

Loen barnehage/Stryn kommune arrangerer «Tut og køyr forsiktig»

I barnehagen skal dei ha køyretøy og trafikkreglar som fokustemaet i årsplanen. Barnehagen skal innom temaa sykkel, elbil, trafikkreglar og skilt, samt at dei skal markere refleksdagen. Dei skal også invitere inn andre etatar til å snakke om temaa. Dei søker om 8 496 kr som skal brukast til refleksvestar og trafikkskilt som brukast i opplæringa. Avdelingsdirektøren innstiller på eit tilskot på 8 496 kr.

Stardalen barnehage i Sunnfjord komme søker pengar til «Bli synlege i trafikken»

Barnehagen bruker beina og sykklar når dei skal ut på tur. Dei vil no gå til innkjøp av nye refleksar og eit turtau som skal gjere desse turane langs vegen tryggare for bode born og vaksne. Dei søker om 4 000 kr til dette. Avdelingsdirektøren innstiller på eit tilskot på 4 000 kr.

Breim barnehage i Gloppen kommune søker pengar til «Synleg på tur»

Barnehagen skal ha ei veke med trafikk som tema, og skal ha både teori og praksis. Denne veka skal barna lære om reglar og korleis oppføre seg i trafikken. I den anledning søker dei om pengar til å kjøpe refleksar som dei skal bruke i opplæringa og når barnehagen er på tur. Dei søker om 10 000 kr, og avdelingsdirektøren innstiller på eit tilskot på 10 000 kr.

Stad kommune søker midlar til «Alle barnevogner synlege i trafikken»

Helsesjukepleiarane skal ta med refleksband til barnevogner når dei reiser på heimebesøk til alle familiar med nyfødde bord. Dei når då ut til alle som har fått barn i kommunen med refleks og informasjon. Dei søker midlar til å kjøpe inn refleksbanda. Dei søker om 7 350 kr, og avdelingsdirektøren innstiller på eit tilskot på 7 350 kr.

Trafikkdag ved Follese skole på Askøy

Trafikkdag for 1.-4.klasse og SFO på Follese skole i Askøy. Elevane skal øve seg på trafikkreglane og har ei gåprøve som avslutning av dagen. Dei søker om 7 500 kr som dei skal kjøpe inn trafikkskilt, premiar og ha servering for. Avdelingsdirektøren innstiller på eit tilskot på 7 500 kr.

Trafikktryggingdag ved Atløy skule

Trafikktryggingdagen skal bestå av tre stasjonar som elevane frå 1.-7.trinn skal innom. Ein stasjon med fokus på sjekk av sykkelutstyr, der hjelper politiet til. Ein stasjon der Raude Kors har fokus på skader i trafikken. Ein stasjon med ein trafikkskule der ein øver på god åtferd i trafikken. Det vil også vere fokus på elsparkesyklar som eit nytt element i trafikken. Dei søker om 9 000 kr, og avdelingsdirektøren innstiller på eit tilskot på 9 000 kr.

Skorvane vel søker midlar til å sette opp skilt i Skorvane bustadfelt

Dei ønskjer å henge opp skilt av typen "Køyr varsamt, born leikar" i området, og søker midlar til det. Dei søker om 3 000 kr. For å kunne sette opp skilt så må ein søke til skiltmynde om tillating. Det generelle rådet er å ikkje sette opp slike skilt då det kan gje ei kjensle av falsk tryggleik for området det gjeld. I tillegg er dette eit fysisk tiltak, og difor ikkje høveleg for denne tilskotsordninga. Avdelingsdirektøren rår difor til at FTU ikkje gir tilskot til dette.

FAU på Nordre Neset barneskule vil arrangere Aksjon aktiv skuleveg

FAU ved Nordre Neset barneskule i Bjørnafjorden ønskjer å sette fokus på aktiv skuleveg, og dermed redusere talet på bilar kring skulen. Klassene får poeng ut frå korleis dei kjem seg til skulen, og klassa med flest poeng vinn. Dei søker om 9 225 kr som skal gå til is til alle deltakarane og pizza til vinnarklassa. Midlane vert ikkje brukt til å sikre den trafikkfaglege delen av arrangementet, og avdelingsdirektøren rår til at ein avkortar tilskotet noko. Avdelingsdirektøren innstiller på eit tilskot på 8 000 kr.

FAU ved Sædalen skule arrangerer Refleksvestaksjon 2021

Årleg refleksvestaksjon for å motivere elevane til å bruke refleksvest gjennom mørketida. Det har vore arrangert tidlegare med stor suksess, og dei premierast med pizzafest. Dei søker om 6 000 kr som går til pizzapremiar. Avdelingsdirektøren innstiller på eit tilskot på 6 000 kr.

Solund barne og ungdomskule søker midlar til opplæringstiltak

Dei søker midlar til å styrke kompetansen til både elevar og lærarar ved skulen, men planane er ikkje klare enno. Dei ønskjer også å markere refleksens dag i oktober. Dei ønskjer å etablere samarbeid med brannvesen og ambulanse. Det er fyrste året skulen har valfaget trafikk og difor treng dei opplæringstiltaka. Dei søker om 25 000 kr, som skal brukast til å kjøpe refleksvestar, kollisjonsputer og fyrstehjelpsutstyr. Avdelingsdirektøren innstiller på eit tilskot på 25 000 kr.

Øygarden kommune vil arrangere Sykkelkids på Blomvåg skule

Blomvåg skule i Øygarden kommune søker om midlar til å gjennomføre sykkel- og trafikkopplæring for elevar. Arrangementet skal sikre at elevane har tilstrekkelege ferdigheiter til å sykle i trafikken. «Sykkelkids» arrangerast i samarbeid med Norges Cykleforbund, og har blitt gjennomført ved mange skular i Hordaland med stor suksess. Dei søker om 7 500 kr som er eigenandelen for programmet. Avdelingsdirektøren innstiller på eit tilskot på 7 500 kr.

Øygarden kommune vil arrangere Sykkelkids på Foldnes skole

Foldnes skole i Øygarden kommune søker om midlar til å gjennomføre sykkel- og trafikkopplæring for elevar ved tre trinn. Arrangementet skal sikre at elevane har tilstrekkelege ferdigheiter til å sykle i trafikken. «Sykkelkids» arrangerast i samarbeid med Norges Cykleforbund, og har blitt gjennomført ved mange skular i Hordaland med stor suksess. Dei søker om 45 000 kr som er eigenandelen for programmet. Avdelingsdirektøren innstiller på eit tilskot på 45 000 kr.

Askøy kommune søker midlar til Mobilitetsuke

Mobilitetsuka handlar om å få fleire til å gå eller sykle. For å trygge dei gåande og syklende vil dei dele ut refleksar og informasjon på Kleppestø kai 17.09. Dei søkjer om 40 000 kr til å kjøpe refleksar for. Avdelingsdirektøren innstiller på eit tilskot på 30 000 kr.

Nygård barnehage AS søkjer midlar til «Sparebøsser på hjul»

Barnehagen ønskjer å sette fokus på sykkel som reelt alternativ til bil. Dei vil kjøpe ein lastesykkel som foreldre kan få låne, og barnehagen kan bruke på tur. Barna skal lære om trafikken av foreldre og barnehagepersonell. Dei skal bruke 127 660 kr, og søkjer om å få dekt 108 245 kr. Avdelingsdirektøren vurderer dette tiltaket å falle utanfor rammene til denne tilskotsordninga, og innstiller difor på at dei ikkje får tilskot.

FAU ved Davanger skole i Askøy kommune vil arrangere «Reflekskampanjen»

Dei arrangerer ein årleg reflekskampanje, der alle elevar blir oppfordra til å gå med refleks. Det er eit kick-off med diskotek, og dei trekker premier til dei som har brukt refleks i perioden. Målet er å trygge elevar når dei går/syklar til og frå skulen. Dei søkjer om 10 000 kr som brukast på å arrangere kick-off og kjøpe premiar. Avdelingsdirektøren innstiller på eit tilskot på 10 000 kr.

Sykkelkids på Lysekloster barneskule

Lysekloster barneskule i Bjørnafjorden kommune søker om midlar til å gjennomføre sykkel- og trafikkopplæring for elevar. Arrangementet skal sikre at elevane har tilstrekkelege ferdigheiter til å sykle i trafikken. «Sykkelkids» arrangerast i samarbeid med Norges Cykleforbund, og har blitt gjennomført ved mange skular i Hordaland med stor suksess. Dei søker om 15 000 kr som er eigenandelen for programmet. Avdelingsdirektøren innstiller på eit tilskot på 15 000 kr.

Skulemiljøutvalet ved Vassenden skule vil arrangere kick-off for Hjartesona kring skulen

Skulemiljøutvalet ved Vassenden skule ønskjer å arrangere eit arrangement for å opne Hjartesona kring skulen. Dei vil engasjere elevrådet ved å få dei til å lage filmar og lage aksjonar der klassane kan få belønningar for å gå eller sykle til skulen, bruke refleks og utføre positive trafikaksjonar. Dei søkjer 50 000 kr til å bruke til dette og avdelingsdirektøren innstiller på eit tilskot på 50 000 kr.

Sykkelkids på Lindås barneskule

Lindås barneskule i Alver kommune søker om midlar til å gjennomføre sykkel- og trafikkopplæring for elevar. Arrangementet skal sikre at elevane har tilstrekkelege ferdigheiter til å sykle i trafikken. «Sykkelkids» arrangerast i samarbeid med Norges Cykleforbund, og har blitt gjennomført ved mange skular i Hordaland med stor suksess. Dei søker om 15 000 kr som er eigenandelen for programmet. Avdelingsdirektøren innstiller på eit tilskot på 15 000 kr.

Breim barnehage arrangerer «Synleg på tur»

Breim barnehage vil gi refleksvestar til alle barna i barnehagen med namna til barna på. Refleksane skal brukast både heime og når barnehagen er ute på tur. Dei søkjer om 9 000 kr til dette. Avdelingsdirektøren innstiller på eit tilskot på 9 000 kr.

Stryn frivilligsentral skal arrangere «Trygg på sykkel i Stryn kommune»

Frivilligsentralen vil lage tre arrangement om trafikreglar, riktig utstyr for syklar og fyrstehjelp. Arrangementa er samarbeid mellom ulike etatar. Arrangementa skal vere for skuleelevar, unge og vaksne flyktningar. Dei søkjer om 40 000 kr for å kunne gi honorar til dei som bidreg og til å kjøpe inn utstyr. Avdelingsdirektøren innstiller på eit tilskot på 40 000 kr.

Kampanjen #Bruksykkellys i regi av Trygg Trafikk

Trygg Trafikk vil gjennomføre ein kampanje for å få fleire til å bruke sykkellys på syklane. Smittesituasjonen vil vere avgjerande på korleis det kan gjennomførast, men håpet er å ha "gladkontrollar" i tillegg til ein samarbeid med Sykkelkids, der elevar som får sykkelopplæring også får ei sykkellykt dersom dei manglar det. Trygg Trafikk tenker å bruke 200 000 kr på kampanjen, og søket om å få dekt 150 000 kr av FTU. Avdelingsdirektøren innstiller på eit tilskot på 150 000 kr.

Synlege aktive eldre i Kvinnherad kommune

Kvinnherad kommune skal gjennomføre heimebesøk hos eldre i kommunen og ønskjer i samband med det å dele ut refleksar og broddar til eldre saman med råd om fysisk aktivitet og tryggleik. Ein ser at eldre bevegar seg mindre om vinteren, og dette er eit forsøk på å gi dei høve til å kome seg meir ut samstundes som dei skal kjenne seg trygge. Dei søkjer om 50 000 kr til å kjøpe broddar og refleksar. Tiltaket er godt, men å kjøpe broddar er ikkje eit trafikktryggingstiltak, og avdelingsdirektøren innstiller difor på eit tilskot på 40 000 kr.

Sykkelkids på Bjørgum skule

Bjørgum skule i Voss kommune søker om midlar til å gjennomføre sykkel- og trafikkopplæring for elevar. Arrangementet skal sikre at elevane har tilstrekkelege ferdigheiter til å sykle i trafikken. «Sykkelkids» arrangerast i samarbeid med Norges Cykleforbund, og har blitt gjennomført ved mange skular i Hordaland med stor suksess. Dei søker om 15 000 kr som er eigenandelen for programmet. Avdelingsdirektøren innstiller på eit tilskot på 15 000 kr.

«Sikker i bil» i regi av Rygg barnehage SA

Barnehagen ønskjer å sette fokus på sikring av barn i bil gjennom ein kampanje. Dei vil dele informasjon og setje fokus på temaet både for barn og vaksne. Dei søkjer om 8 000 kr til å lage materiell. Avdelingsdirektøren innstiller på eit tilskot på 8 000 kr.

Badnaslepp og Smalahoveslepp 2021 i regi av Næringshagen på Voss AS

Badnaslepp og Smalahovesleppet er eit årleg arrangement på Voss, og i år igjen ønskjer dei å sette fokus på trafikktryggleik. Arrangementet trekker til seg folk i alle aldrar. Det skal vere teaterframsyning med trafikk som tema. Barnehagane blir invitert særleg til å sjå på teaterstykke. Så kjem Sykkelkids og har sykkelopplæring, Trygg Trafikk stiller med sin maskot og informasjon osv. Totalt bruker dei 120 000 kr på arrangementet, og søker FTU om 49 000 kr. Avdelingsdirektøren innstiller på eit tilskot på 49 000 kr.

Trafikkopplæring på Våge skule

Våge skule i Fjaler kommune ønskjer å lage eit trafikkområde på uteplassen til skulen med vegmerking av rundkøyring, fotgjengarfelt, trafikklys og ulike skilt. Dette skal brukast i opplæringa i valfaget trafikk. I tillegg treng dei trehjuls sykklar, små bilar og el-sparkesyklar med naudsynt tryggleiksutstyr. Dei søkjer om 50 000 kr til å kjøpe inn utstyr. Avdelingsdirektøren innstiller på eit tilskot på 50 000 kr.

Sykkelkids på fem skular i Stord kommune

Sju klasser fordelt på fem skular i Stord kommune vil gjennomføre sykkel- og trafikkopplæring for elevar. Arrangementet skal sikre at elevane har tilstrekkelege ferdigheiter til å sykle i trafikken. «Sykkelkids» arrangerast i samarbeid med Norges Cykleforbund, og har blitt gjennomført ved mange skular i Hordaland med stor suksess. Dei søker om 51 875 kr som er eigenandelen for programmet. Avdelingsdirektøren innstiller på eit tilskot på 51 875kr.

Teaterframsyning for barnehageborn med trafikktryggleik som tema i Vaksdal kommune

I Vaksdal vil dei skal sette opp teater for dei yngste barna i kommunen, totalt fem førestillingar. I tillegg vil dei dele ut refleksvestar til alle barna. Arrangementet er ein del av arbeidet kommunen gjer som trafikksikker kommune. Dei har ein totalkostnad på 52 700 kr, og på grunn av krav om eigenandel ved arrangement over 50 000 kr så innstiller avdelingsdirektøren på eit tilskot på 52 000 kr.

Markering av refleksdagen i Vaksdal kommune

Dei skal dele ut refleksar til barn og unge i kommunen. Saman med FAU skal dei lage ei ramme rundt markeringa med leikar og aktivitetar der ein har fokus på å vere synleg i trafikken. Dei søker om 47 000 kr til å kjøpe refleksar for. Avdelingsdirektøren innstiller på eit tilskot på 47 000 kr.

Refleksjakten i regi av Kløvheim bygdelaag

Refleksjakten blir arrangert årleg i samband med refleksens dag. Arrangementet er eit samarbeid mellom bygdelaaget, blålysetatane, redningsselskapet og lokal trafikkskule for å setje fokus på refleksbruk. Deltakarane skal gjennomføre ei løype, og i år skal dei vise film som demonstrer

viktigeita av refleksen. Arrangementet har ein totalkostnad på 45 000 kr, og dei søker om å få dekt 40 000 kr som skal gå til marknadsføring, materiell og premiering. Avdelingsdirektøren innstiller på eit tilskot på 40 000 kr.

Hjertesone og trafikksikringsdag på Våge skule i Bømlo kommune

Som ein del av arbeidet med å få på plass ei Hjertesone kring skulen ønskjer dei å starte med ein trafikksikringsdag. Arrangementet er eit samarbeid mellom skulen, kommunen og FAU, i tillegg bidreg Trygg Trafikk med fagleg rådgjeving. Arrangementet har ein totalkostnad på 30 000 kr som skal brukast på transport, utstyr, skilt og personale, dei søker om å få dekt 20 000 kr av FTU. Avdelingsdirektøren innstiller på eit tilskot på 20 000 kr.

Kampanjen «Sjå og bli sett på sykkel» i Bømlo kommune

Bømlo kommune vil arrangere ein kampanje for at fleire skal montere sykkellys på syklane sine. Dei skal ha konkurransar der dei kan vinne sykkellykter og "gladaksjon" langs skulevegen. Dette er ein del av arbeidet som trafikksikker kommune. Dei skal bruke 30 000 kr på å kjøpe inn sykkellykter, og bed om å få dekt dette. Avdelingsdirektøren innstiller på eit tilskot på 30 000 kr.

Refleksaksjon 2021 i Alver kommune

Årleg refleksaksjon for å få fleire til å bruke refleksar med premiar til dei som brukar refleks. Dei søker om 30 000 kr som dei skal bruke på premiar i form av sykklar, sparkesyklar og pizzafest. Avdelingsdirektøren innstiller på eit tilskot på 8 000 kr, då midlane går utelukkande til premiar, og ikkje til å sikre kvaliteten på det trafikkfaglege.

Haldningskampanje knytt til trafikksikkerheit i regi av IL Kvernbit

IL Kvernbit vil arrangere ein haldningssskapande kveld for barn og ungdom i aldersgruppa 6-19 år for å sette fokus på trafikksikkerheit til og frå trening. Det er stadig fleire mjuke trafikantar på vegen til og frå idrettsanlegget, og det har gjort at dette behovet har oppstått. Dei skal samarbeide med TSU Nordhordland, Frekhaug legesenter og Trygg Trafikk. Dei skal bruke 100 000 kr på administrasjon, føredrag, servering, materiell og refleksar og søker om å få dekt dette. Og søker om å få dekt 87 500 kr. Avdelingsdirektøren innstiller på eit tilskot på 87 500 kr.

Førstehjelp ved trafikkuulykker i regi av Odda barneskule

Dei vil arrangere ein opplæringsdag i førstehjelp og førstehjelp ved ulykker for alle dei 375 elevane ved Odda barneskule. Dei søker om 35 000 kr som skal gå til utstyr, materiell, honorar og litt servering. Avdelingsdirektøren innstiller på eit tilskot på 35 000 kr.

Trafikkaksjon i Askøy kommune

Morgonaksjon på Askøy over fleire dagar der dei snakkar med foreldre som køyrer barna til skulen, barn som sykklar, går eller kjem med buss. Her får dei informasjon og refleks. Dei søker om 6 000 kr til dette, og avdelingsdirektøren innstiller på eit tilskot på 6 000 kr.

Skrudag/opent verkstad i regi av Måløy VGS

På skrudagen på Måløy VGS kan elevar kome innom skulen å få hjelp til å gå gjennom sitt køyretøy for å sikre at det er i god stand og trafikksikkert å bruke. Biltilsynet, politi og trafikkskule bruker å møte opp og snakke om trafikksikkerheit. Dei søker om 18 000 kr til å kunne gjennomføre dette, og avdelingsdirektøren innstiller på eit tilskot på 18 000 kr.

På tur i trafikken av Stiftinga Austrheim barnehage i Gloppen kommune

Barnehagen ønskjer å kjøpe inn refleksvestar som dei skal bruke når barnehagen er ute på tur. I tillegg skal dei ha fokus på trafikreglar og lære barna korleis ein oppfører seg i trafikken. Dei søker om 3 000 kr til dette, og avdelingsdirektøren innstiller på eit tilskot på 3 000 kr.

Utdanning av lærarar til å undervise i valfag trafikk i Voss herad

Dei ønskjer å utvide tilbodet om valfag Trafikk i heradet, då dette er eit svært populært fag. Elevane kan ta trafikalt grunnkurs på skulen gjennom faget. Dei treng då fleire lærarar med formell kompetanse i faget. Faget har fokus på trafikksikkerheit. To lærarar skal ta trafikalt grunnkurs for lærarar, og i tillegg skal Trygg Trafikk rettleie lærarane. Dette har ein totalkostnad på 97 400 kr, og dei søker om å få dekt 50 000 kr av FTU. Avdelingsdirektøren ser det som eit kommunalt ansvar å gje sine lærarar den formelle kompetansen som skal til for å undervise i eit fag, og innstiller difor på at dei ikkje får tilskot til dette.

I følgje reglement for folkevalde organ og delegering har trafiktryggingsutvalet avgjerdsmynde når det gjeld tildeling av tilskotsmidlar til trafiktryggleiksaktivitetar.

Vurderingar og verknader

Økonomi:

Tilskotsordninga er finansiert gjennom Trafikktryggingsutvalet sitt budsjett, og har ei ramme på 2 850 000 kr.

Tilskotsordninga har to fristar årleg, og etter fyrste runde med tildeling vart det delt ut 1 408 112 kr til 35 ulike arrangement. Det inneber at det gjenstår 1 441 888 kr til denne runda.

Det gjenstår 301 567 kr på budsjettposten etter begge tildelingar er gjennomført.

Klima:

Ikkje direkte relevant, men trafiktryggleik er ein viktig føresetnad for at folk skal velje å gå eller sykle.

Folkehelse:

Trafikktryggleik er eit viktig moment i folkehelsa, tilskotsordninga gir støtte til opplæringstiltak, gå- og sykkelaksjonar og haldningskampanjar som bidreg til å trygge menneske i alle aldrar, noko som også kan bidra til deltaking i samfunnet.

Utviklingsplan for Vestland 2020-2024 (Regional planstrategi):

Satsing på trafikkopplæring og tilrettelegging for fysisk aktivitet frå ung alder er viktig for å styrka konkurransekrifta til gange og sykling som klimavenlege transportformer.

Konklusjon

I Trafikksikringsutvalet i Vestland sitt budsjett var det opprinneleg sett av 2 000 000 kr til tilskotsordninga for trafiktryggleiksaktivitetar. I tillegg vart 850 000 kr omdisponert frå tilskotsordninga til trafiktryggingsplanar. Totalt er det difor dett av 2 850 000 kr til trafiktryggleiksaktivitetar i Vestland.

Tilskotsordninga har to fristar årleg, og etter fyrste runde med tildeling vart det delt ut 1 408 112 kr til 35 ulike arrangement. Det inneber at det gjenstår 1 441 888 kr til denne runda. Etter andre frist kom det inn 42 søknader på til saman 1 345 491 kr. I avdelingsdirektøren si innstilling er det lagt opp til ei tildeling på 1 140 321 kr til 39 ulike aktivitetar.

Det vert delt ut midlar til store og små tiltak innan sykkelopplæring, refleksaksjonar, trafikksikringsdagar, kurs og organisatoriske tiltak.

Tilskotsordninga for trafiktryggleiksaktivitetar er ei ordning som bidreg til aktivitetar i heile fylket, og som når ut til mange menneske. For å promotere ordninga har vi sendt ut informasjonsskriv til alle kommunane i Vestland, sendt ut pressemelding til alle aviser og vi har nytta eigne kanalar som vlfk.no og Facebook.

Rune Haugsdal
fylkesrådmann

Håkon Rasmussen
avdelingsdirektør

Saksframlegget er godkjent elektronisk og har difor inga handskriven underskrift